

# Me & Marie han gudagnà Suns Europe

■ (rtr) **Success internaziunal per musica rumantscha: Suenter lur victoria al festival da musica da linguas minoritaras Suns en Sardegna ha la furmaziun «Me & Marie» era gudagnà il final dal Suns Europe ad Udine.** Il festival da la chanzun en linguas minoritaras Suns è in eveniment che vul far la punt tranter las differentas minoritads da l'Europa. Il festival ha gì premiera il 2009 ad Udine, il 2011 è el lura stà en terra rumantscha, a Falera. L'eveniment final è stà ils 11 da

december puspè ad Udine, lura cun minoritads da tut l'Europa.

Diesch furmaziuns da minoritads da l'Irlanda, la Russia, la Svezia, la Spagna e da l'Italia èn sa partecipadas. Avant 1200 aspectaturas ed aspectaturs han persvadi ils musicists e chantadurs *Roland Vöggtli, Maria Moling e Tom Wörndli* il meglia la giuria cun lur chanzun rumantscha.

Il premi per l'emprim plaz al Suns Europe è in invit per in concert ad in festival da musica en Russia il 2016.

Roland Vöggtli e Maria Moling chantan rumantsch, ladin ed englais. Il chantatur rumantsch è dentant persvas che musicists da linguatgs minoritars pon avair success cun chantar en lur linguatg mamma.

Da la partida èn lura sper Rumantschs, Sards, Occitans, Furlans e Ladins er ils Bascs, Bretons, ils Sams ed ina gruppa da la Galizia. E sper la musica datti er in focus spezial sin litteratura, film ed art.



Suenter lur victoria al festival da musica da linguas minoritaras Suns en Sardegna ha la furmaziun «Me & Marie» era gudagnà il final dal Suns Europe ad Udine.